



Doris Jakobsen Jensen
Inatsisartunut ilaasortaq, Siumut

**Nunani allani inussutissarsiutitut ilinniartitaaneq pillugu § 37 naapertorlugu
apeqqutip nr. 83/2022-p – akineqarnera**

10-05-2022
Suliap normua. 2022 - 9527
All. nr. 19907533

Asasara Doris,

Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfignissavakka.

**Apeqqut 1: Nunani allani nunatta akiligaanik inuussutissarsiutigiligassamik
ilinniarsinnaaneq periarfissatut atorneqartareersoq maanna naalakkersuisut
allanngortinnikuaat?**

Akissut: Ilinniagaqarnerisutitut malittarisassat maannakkut qinigaaffiusumi
allanngortinneqarsimangillat.

Nunani allani inussutissarsiutitut ilinniarnernut atatillugu stipendiat, meeqqanut
tapiissutit, immikkut tapiissutit aamma ataasiaannarluni taarsigassarsiat
ilinniagaqarnerisuteqartarnermut tapeeriaatsit pineqarsinnaaneri periarfissaavoq.

Ilinniagaqarnermi akiliutitut tapiissutit akilerneqarnissaat pillugu apeqqummut
tunngatillugu ilinniagaqarnerisutitut pillugit Namminersorlutik Oqartussat nalunaarutaat nr.
9, ulloq 19. juli 2017-imeersumi (ilinniagaqarnerisutitut pillugit nalunaarut) § 14, imm. 1,
oqaaseqaatip aappaanni, ilinniagaqartoq qiortakkanik pineq ajorpat tapiissutit
imaluunniit ilinniarnermut akiliutitut taarsigassarsianik taperneqarneq ajortut
takuneqarsinnaavoq.

Akiliilluni ilinniakkanut ilinniagaqarnermi akiliutitut aamma ilinniagaqarnermut akiliutitut
taarsigassarsiat matussusernerinut tapiissutit pillugit nalunaarummi malittarisassat
ilinniagaqarnerisutitut pillugit Inatsisartut inatsisaat nr. 12, 22. november 2011-meersoq
Inatsisartut inatsisaat nr. 16, 6 juni 2016-imeersukkut (ilinniagaqarnerisutitut pillugit inatsit)
allanngortinneqartumi malittarisassanut ataqatigiissinneqassapput. Tassunga atatillugu
ilinniagaqarnerisutitut pillugit inatsisip § 6-mi takuneqarsinnaavoq ilinniagaqarnissamut
piareersarluni ilinniakkamut, inuussutissarsiutitut tunngaviusumik ilinniakkamut
imaluunniit ingerlaqqiffiusumik ilinniakkamut taakkua arlaannut ilinniagaqarnerisutitut
tunniussisoqarsinnaavoq.

Aammattaaq ilinniagaqarnerisutitut pillugit inatsisip § 14 imm. 1 oqaaseqatigiinni siullermi
aalajangersarneqarpoq, ilinniagaqarnerisutitut tunniunneqarsinnaapput stipendiat,

meeqqanut tapiissutitut, immikkut tapiissutitut, sulisitsisunut akissarsianut tapiissutitut aamma ilinniarnermi taarsigassarsiatut. Saniatigut ilinniagaqarnersiutit pillugit inatsisip § 14 imm. 1 oqaaseqatigiit aappaanni aalajangersarneqarpoq, ingerlaqqiffiusumik ilinniagaqartunut ilinniagaqarnersiutit qiotartakkanut periuseq malillugu piffissami killilimmi tunniunneqartassapput. Tamanna imatut paasisariaqarpoq, ingerlaqqiffiusumik ilinniagaqartunut taamaallaat qiotartakkat akuersissutigineqartartut.

Ilinniagaqarnersiutit pillugit nalunaarummi 14, imm. 4, oqaaseqatigiit aappaanni imaakkami, ilinniakkanut akiliutitut tapiissutit matussusernissaanut ilinniagaqartoq qiotartakkanik pisaruni, ilinniagaqarnissamut piareersarluni ilinniakkanut imaluunniit inuussutissarsiatut ilinniakkanut ilinniagaqarnermi akiliutit matussusernissaanut tapiissuteqartoqarsinnaanngilaq. Matumani aalajangersagaq ataaseq ulloq 1. august 2017-imi atuutilersoq pineqarpoq.

Apeqqut 2: Ukiuni kingullerni marlunni qassit nunatta Danmarkillu avataani inuussutissarsiatutigiligassamik ilinniarnissamut ilinniarnermusiaqarnissamik qinnuteqarnikuuppat?

Akissut: Nunani allani ilinniagaqarnissamut piareersarluni ilinniakkamut, inuussutissarsiummut aamma ingerlaqqiffiusumik ilinniakkanut ilinniarnivinnut piffissami taaneqartumi qinnuteqartut katillugit 23-upput.

Apeqqut 3: Ilinniakkap nunatsinni Danmarkimiluunniit ingerlanneqarsinnaanera apeqqutaatinnagu nunani allani inuussutissarsiatutigiligassamik nunani allani ilinniarneq qinigaaffik kingullermi akuersissutigineqartareersoq, sooq massakkut tunniussisoqarsinnaanngila?

Akissut: Ilinniagaqarnersiuteqarnermut Naalakkersuisoqarfiup aningaasaqarnikkut suliffeqarnikkullu nalilersuutit naapertorlugit nalilerpagu, ilinniagaq pineqartoq Kalaallit Nunaannut naleqqutinngitsoq, imaluunniit Kalaallit Nunaanni inuiaqatigiinnut ilinniakkatut appasinnerusumik naleqartuusoq, ilinniakkanut allanut tapiiffigineqarsinnaasunut Kalaallit Nunaanni Danmarkimiluunniit ersarissumik appasinnerusumik naleqartoq, tapiissuteqartoqarsinnaanngilaq imaluunniit ilinniagaqarnermi akiliutitut taarsigassarsitsisoqarsinnaanngilaq ilinniagaqarnersiutit pillugit nalunaarummi 14, imm. 4, oqaaseqatigiit siullermi takuneqarsinnaavoq. Ilinniakkap pineqartup Kalaallit Nunaanni Danmarkimilluunniit ilinniakkamut assingusumut tapiiffigineqarsinnaasumut Kalaallit Nunaanni inuiaqatigiinnut tunngatillugu naleqassusia ersarissumik appasinnerunngippat akiliilluni ilinniakkamut ilinniagaqarnersiuteqartitsinermet aalajangersagaq tunngaviusutut atorneqartarpoq. Allatut oqaatigalugu, ilinniarnert Kalaallit Nunaannut attuumassuteqartunut Kalaallit Nunaanni Danmarkimilu ilinniarnert tapiiffigineqarsinnaasut apeqqutaatinnagit, ilinniakkanut akiliutit matussusernissaanut tapiisuutit akiliteqarnissamut periarfissaqarpoq. Kisianni ingerlaqqiffiusumik ilinniagaqartut aamma inuussutissarsiatut ilinniagaanngitsut kisimik aalajangersakkami ilaapput, tak. apeqqut nr. 1-imut akissummi oqaatigineqartut. Kisianni ilinniagaqarnersiutinik soorlu stipendiat, meeqqanut tapiissutitut, immikkut tapiissutitut aamma ataasiaannartumik taarsigassarsinertut ilusilimmik ilinniagaqarnersiutinik tunniussisoqarsinnaavoq, taakkua

nalinginnaasumik imaluunniit ataasiakkaanut tapiiffigineqarsinnaanermik tunngavissaqarpata, tak. ilinniagaqarnersiutit pillugit inatsisip § 8, imm. 3 aamma § 12.

Apeqquut 4: Ukiuni kingullerni marlunni qassit, nunatta Danmarkillu avataani inuussutissarsiutigiligassamut ilinniarniarlutik ilinniagaqarnermusiaqarnissamut

a. Akuerineqarsimappat?

Akissut: Danmarkip Kalaallit Nunaatalu avataani inuussutissarsiummut ilinniarnermut qinnuteqaatit marluk piffissami pineqartumi akuersissutigineqarput.

b. Itigartinneqarnikuuppat?

Akissut: Piffissami pineqartumi inuussutissarsiummut ilinniarnermut qinnuteqartut marluk itigartinneqarput, taakku itigartitsinerit aappaat kingusinnerusukkut paasissutissat nutaat tunuliaqutaralugit akuersissutigineqarpoq.

Inussiarnersumik Inuulluaqqusillunga


Peter Olsen